

新寮營以禦南寇設洪崖營以塞寇出沒之路寇遂滅息庚寅巡視靈山念土城不可以久遂甃以磚石高墉連樓橫亘五百丈靈遂成重鎮公自令至守臬一以教化爲務靈山尚鬼好巫則禁淫祠修學校勸民力農桑行孝弟治廉學宮羣子弟教之架化龍橋爲多士勸讓海北道署作欽之明倫堂貨民居以廣孔子廟廡全郡知學皆錦教之也故禮義風行民幾可化且忠誠仁愛訐謨宏議處分

漢達軍民及經久可行者前後三十餘年皆

爲生民造福計如請立總制府於梧州俾海

嶺萬里倚爲干城其見尤卓

功德保障一方至今廉郡縣皆

建祠祀焉

李遜江西南豐人景泰五年知府時守珠池內

官虐害軍民遜不避權勢屢遏其非禮之行

其他美政尤多民甚德之

饒秉鑑廣昌人由舉人景泰間任肇慶同知公

正廉明陞知廉州府嘗獲賊三千餘百姓安

堵都御史葉盛移檄旌之

檄詞云膺千里民社之寄廉名不忝

於郡名展一方保障之才輿論允諧於國論二千石之爲良古難其選一十郡之稱最今

見其

人

邢正字直夫宜山進士成化五年知府持心正

大鄰境賊寇猖獗撫以恩信賊皆悅服復流

亡百餘戶措置耕牛種子以給農作奏革冗

官分豁逃絕田糧祛虎患民甚德之居六年

改知廣信尋陞雲南右叅政

廣西通志

杜禮江西豐城人以鄉貢同知廉州廉濱海民

彝錯居多尅盜每伏毒弩殺人人益滋蔓禮
乃往撫諭安置黃亨輩一百四十餘戶以摩
塘諸村隙地處之築石龍土城百四十丈爲
堡令復業流民二百餘戶居之皆給牛種令
開荒田爲業編牌甲以約束之民始輯寧盜
珠賊時登岸刦掠擒其首惡數十置之法餘
黨散去又興羅城江水利修郡城西橋咸與
有勞其訓生徒建社學皆可紀稱尋陞知都
勻府

劉烜江西安仁人由進士成化十七年知廉州
府事以興利除害自任入寨賊自天順間負
固後經僉事林錦奏剿而餘黨猶在烜爲撫
綏分任遂底輯寧又毀諸淫祠亟察民隱興
水利親歷羅城江見土沃地廣可田但江之
北岸高而南岸下水難逆灌烜爲築石壩橫
截江流開渠導水灌田約百頃招集流民百
餘家居之戶口益增合浦添編興忠一里至
今興忠之民樂樂利利飲食必祭報焉

李純字在誠福建莆田人正德六年由進士知
欽州爲人正大處事公平杜絕私門苞苴不
入興學校治豪猾北障江水廻護州城其勞
尤著蛋民作亂海上盡削平之安南僭王兵
敗抵欽餽金求容累却不受

沈綸仁和人正德間知廉州府愛民如子時值
內官韋輔騶從怙勢剝民公悉置之獄又濬
州江口便民舟筏銳意學校芝草生於泮池
士卽其地建瑞芝亭旣去民建愛民亭於江

許以寓遺思

陳逅江南常熟人由進士擢御史嘉靖初以言
事謫合浦主簿始至闢海天書屋以教廉士
時陽明王公督撫兩廣以逅理學素明檄令
講學於靈山其署縣事清約自守務在惜民
省費往來公使惟與一草履而去遷新淦知
縣去之日行橐蕭然其所遺詩文皆可傳誦
士民有遺思焉

張岳字維喬號淨峯福建惠安人少力學領首

薦丁丑進士以行人直諫左遷南監學正嘉
靖十四年以廣西提學謫鹽課提舉遷廉州
府知府光明正大優於文學下車初輒求民
瘼凡苛條積蠹汰而去之其賦役里甲莫不
調停規正民咸稱便每公暇則循閱郊野凡
地之廣衍可田者度得其宜闢之淪之疏川
道滯鍾水豐物如陳調諸處民得就業者不
翅千家時郡縣學地湫隘發罪金相土聚材
改建二學巍然一新又以水港至烏家道路

遼曠盜賊由沒乃相丹竹江爲四塞之地設立營堡以兵守之行旅稱便去之日士民追送不啻父母於東西二隅建生祠又於陂上建惠田亭碑以頌德云後累遷提督兩廣總督川貴卒贈右都御史諡惠襄

林希元字茂貞福建同安人登正德丁丑進士督學嶺南入丞大理丙申以建言謫知欽州適力殫財詘之時開誠以先物約身以裕用塞弊孔興廢墜建社學置勸農役設立屯田

增修營堡教養其民而捍衛之至於遷學育才與諸生究論聖賢奧旨尤其大者歷任三年後陞本省僉事鎮海北洞察益熟規恢益大嚴正不撓豪猾屏跡凡所經制皆可永久者欽人立祠與林錦同春秋祭有次崖講義文集行世

翁溥諸暨人進士由給事中陞嘉靖二十年任兵備稟性方潔周悉民隱執法不撓豪猾斂跡累官刑部尚書

許孚遠德清人由進士隆慶五年任兵巡道端嚴濶大不假刑威而胥吏震服課廸諸生開發理要旌貞烈戒媮靡廉人至今思之

張士純字誠叟安吉州人由進士隆慶元年任兵巡道振飭風行禦防雷厲創海角亭遷學宮皆以培文運也

趙可懷巴縣人由進士隆慶六年任兵巡道賦性剛方不避權勢積年案牘剖決如神畱心民瘼拊循無倦指南士類人文興起操守冰